

# 陶氏實行譜

## 實行引

忠孝節義亘千古而常新非惟光家乘抑亦耀國史也下逮一言一行之善亦足以訓俗型方是故李九我之宋賢有纂黃石齋之名將有譜彙集成書者要皆使人展卷知所取則也矧祖宗之實行堪爲子孫之法守願置焉而弗錄乎唯我陶氏豐功偉績顯爲世禎者有人碩德畸行隱爲世範者有人尙非我一支而臚舉以爲家乘光又何異於崇韜拜墓孟德冒姓貽千古之笑資哉今自桓公分支以下取我一脈之宗祖實行堪筋者筆之於譜用使子孫知所觀感焉象賢之思或亦有勃然而興者乎

則實行之於譜誠重矣譜實行

## 舍公實行

陶公諱舍徵公之子也先曾祖母甚賢明逆知其夫必禍及泣諫不聽乃携其子杞公先機脫去獨得免歸養其姑卒全宗祀有女名嬰夫没守義魯人賢之作黃鵠之歌以自誓杞後爲大夫守陶丘魯亡負母避漢湘之間秦併楚而杞公之子徵公寓潭州居焉徙家長沙生舍公幼負大志見秦暴虐欲蕩平之高祖起兵遂從漢征伐有功拜左司馬受帶礪山河之券封爲愍侯靖節公命子詩有曰於赫愍侯運當攀龍撫劍夙邁顯茲武功書誓山河啓土開封紀其實也生子青襲封夷侯孝景二年以舊德拜相

## 侃公實行

侃公在東晉建奇勳匡翊王室都督八州軍事封長沙公謚曰桓其性聰敏恭勤常語人曰大禹聖人乃惜寸陰至於眾人當惜分陰豈可但逸遊荒醉生無益於時死無聞於後是自棄也諸參佐以談戲廢事命取其蒲博酒器之具悉投之於江將吏則加鞭撻曰樛蒲者牧猪奴戲耳嘗出游見人持一把未熟稻公大怒曰汝既不佃而戲賊人稻而鞭之是以百姓勤於農作家給人足嘗造船其木屑竹頭公皆令籍而掌之人咸不解所以後正會積雪初晴廳事前餘雪猶濕乃以木屑布地及桓溫伐蜀又以公所貯竹頭作釘裝船其綜理微密如此尚書梅福嘗謂人曰陶公機神明鑒似魏武忠慎勤勞似孔明陸抗諸人不能及也謝安每言陶公雖用法而嘗得法外意吳養心謂晉俗之弊在於清談廢事而侃能勤事如此可謂砥柱中流不爲習俗所移賢於王導謝安遠矣

## 回公實行

回公之父茂公自台臣出為武昌大守有惠政仍家潯陽之柴桑里生公與延公賦性雅淡爲娑城大守以平蘇峻功封康樂伯食邑在今義釣鄉隆和元年大旱請免其采地租入人懷之號其里爲大平懷德卽今新昌縣大平鄉懷德市娶長史孟嘉之四女一生注與潛一生敬速趙泉山讀站靖節公命子詩於皇仁考淡焉虛止寄跡風雲直茲愜喜稱其父子風規蓋相類

## 潛公實行

潛公字淵明一字元亮曾祖侃晉大司馬公少有趣博學善屬文款脫不羣任真自得不慕榮利其性嗜酒家貧不能嘗得親旧知其如此或置酒招之造飲徹晝期在必醉既醉而退曾不吝情去留嘗著文章自娛頗示已志親老家貧起爲州祭酒不堪吏職少日自解歸州召主簿不就躬耕自資遂抱羸疾後爲鎮軍建威參軍謂親朋曰聊欲絃歌以爲三徑之資可乎執事者聞之以爲彭澤令公田悉令吏種秫曰吾嘗得醉於酒足矣妻子固請種杭乃使二頃五十畝種秫五十畝種粳歲終會頽郡遣督郵至縣吏請曰應束帶見之公嘆曰吾豈能爲五斗米折腰向鄉里小兒卽日帶印綬去職賦歸去來辭徵著作郎不就嘗九月九日出宅過菊叢中坐久之滿手把菊忽值弘送酒至卽便就酌醉而歸公不解音律而蓄無弦琴一張每酒日適輒撫弄以寄其意其妻翟氏亦能安勤苦與其同志自以曾祖晉世宰輔恥復屈身後代尹起莘謂公在晉自其初年出處大致已有可觀至劉宋移國耻復出身遂不出仕卒能保全名節故綱目特以晉處士書之明其不失身於宋氏獨得爲晉全人也其視楊雄失身莽賊而書莽大夫楊雄死者其得失不大相遠哉

## 冀宣公實行

冀宣公梁樂尉霍公之孫弇公之子也公生時異香滿室霍公甚愛重之幼穎異絕人好讀書目下敷十行隋文帝時徵秘書舍人前賢贈之以詩七載詩文譜生子元忠作監官見煬帝惛虛託疾歸休以孝養稱

## 仲思公實行

仲思公生聰慧好學不倦善於詩文性嗜酒酒酣興發策筇遊行時而登高舒嘯時而臨流賦詩灑落自如不慕仕進人呼爲小靖節昔賢贈詩有仲思性懶老漁樵之句詩載詩文譜

## 愉公實行

愉公賦性冲夷澹遠醇謹端恪積財好施親族鄰友中有貧難者皆待以舉火遇歲饑荒捐穀賑濟人咸德之嘗於屋側構亭鑿池植花木養禽魚花晨月夕偕二三良友披衣曳履於其中左圖右史飛花醉月徜徉肆志人稱爲陸地神仙云

## 少卿公實行

少卿公幼穎悟博涉經史醇正明決爲廬州大守寬賦役撫孤窮伸冤濫禁姦盜有惠政民懷其德避黃巢之亂挂冠歸隱樂道林泉不復仕進其子道明公唐昭宣帝天佑中舉進士厥後南唐徵爲洪州屯田判官

## 慶厯公實行

慶厯公負經濟之才好左氏春秋性孝友優於政事爲南唐大保中官承議郎虔州軍團練使會宋興隱於林壑至眞宗景德中詔徵托疾不赴年七十五而卒其操行不苟如此

## 禎公實行

禎公風姿灑落進止凝重性英敏博學善屬文下筆千言立就宋仁宗皇祐二年登馮京榜進士歷官至大子大師有直聲朝野倚重焉

### 子駿公實行

子駿公公廉明察耿介正大出於性生仁宗嘉祐中爲柳州大守政平訟理利興弊除治行精詳吏民敬服後告老歸家優游林下作佚老堂以樂餘年東坡贈詩有人呼小靖節自是葛天民之句詩載詩文譜

### 弼公實行

弼公生而岐嶷穎異長而好學力行擅文武之才爲廣西大守哲宗皇帝時紹聖中仕守欽順二州治政詳明作繼老堂生子敏學樂道不仕號養遁居士

### 明通公實行

明通公少聰敏洞明經史當是時理學名儒輩出公相與交遊得其道脈以故膺文章之選聲名藉甚公乃靖節公裔孫世居進賢生子四三子彥成四子彥良自進賢義門徙居新吳成居冶城良居夏城里支派繁衍皆以公爲始祖焉

### 汝相公實行

汝相公明通公之孫也幼穎異力學善文從黃老之學不慕仕進廉靜簡點人呼爲雪窻道人趙雪作詩贈之有君絃豈是淵明物之句詩載詩文譜

## 在文公實行

在文公全明公之孫震公之子也公生英敏岐嶷好讀書目下數行精於詩文屢試不就遂無意於名場嘗日大丈夫得志則有爲於天下不得志獨善其身效吾祖靖節公樂道不仕終吾生以徜徉可也性愛灑落肆志山水喜雙江口中州山水清秀林木掩蔭遂卜遷於此地結廬洲畔採山釣水吟詩自樂著有雙溪性華吟囊橐餘錢悉以周邻里困乏人皆德之故至今稱其洲爲陶家洲焉

## 正仲公實行

正仲公字仲鳴號蒼巖性純孝事父母竭力盡道父年六十三歲而卒丁流離之會哀麻哀毀葬尽礼祭蒸通後事母依依膝下承歡不怠康熙十一年間土寇肆虐母年近九十負母避亂朝夕服侍左右無惰容丙辰春母死殯葬如禮哀毀骨立廬墓不去遂以此殞其生人稱爲孝子云

## 守忠公實行

守忠公敏奇偉三歲失侍七岁失枯当鼎革之後前人基業蕩然無存公以孑然孤貧之身慨然任承先裕後之志嘗以侃公大禹聖人乃惜寸陰至於眾人當惜分陰之句銘心一生勤勞不倦庚寅歲遷居所高灣

世業益新爲人公正廉平樂善好施凡橋梁渡路以及貧難困急捐助樂施嘗訓諸子曰吾爲善最樂非沽名也但留此一片乾淨地與子孫耕耳自壯至老每食總以未克孝養飲恨年八十舉動雖艱而童顏鶴髮儼然一壽星也辛未夏前一日諭諸子曰吾明日登極樂國矣至次日親隣問訊送至門返室沐浴衣冠端坐顧子孫一笑而卒笑容經宿不改稱公五福口碑載道焉

## 守銘公實行

守銘公爲人恬靜寡默氣量寬宏言不輕諾事不妄為負大才未展爲邑吏所逢大艱重任一心籌度有餘如通邑量丈攢造公以一身肩其任經畫區處一一盡善當事者稱公忠慎勤勞有乃祖士行公之遺矩焉